



**TEZAUR LITURGIC
5 DECEMBRIE**

**ACATISTUL
SF.IERARH
GURIE,
ARHIEPISCOPUL
KAZANULUI
ȘI SVIAJSKULUI**



MOSCOVA,2000



Акафист

**святителю Гурию,
архиепископу Казанскому
и Свияжскому чудотворцу**

Кондак 1

Возбранный святителю и чудотворче Гурие, приеми от нас недостойных подобающую ти похвалу, яко первосвятителю, учителю и покровителю града Казани. И, яко имеяй дерзновение ко Господу, от всяких нас бед и скорбей избавляй, да с радостию зовем ти:

Радуйся, Гурие, Казанский и Свияжский чудотворче.

Икос 1

Ангелов Творец и всея твари Содетель предъизбра, освяти и постави тя, святителю, просветителя, учителя и покровителя граду Казани. Нас же научи вопити тебе сице:

Радуйся, предопределенный в предвечном
совете Божием к просвещению неверных;

радуйся, предохищенный для сего служения
сосуде благодати Божия.

Радуйся, злато, искушенное в горниле
долговременных страданий;

радуйся, с юности миром отверженный и
мира отвергийся.

Радуйся, в темницу невинно, яко Иосиф,
заключенный;

радуйся, в той темнице небесней
премудрости научивыйся.

Радуйся, в темнице тойже свет, даровавший
тебе свободу, узревый;

радуйся, из нея чудным образом изведенный.

Радуйся, по получении свободы всего себе
Богу поработивый;

радуйся, чистоты и девства хранителю.

Радуйся, поста и молитвы ревностный
блестителю;

радуйся, добльственныи
последователю. Христа

Радуйся, Гурие, Казанский и Свияжский чудотворче.

Кондак 2

Видя себе невинно оклеветана, осужденна и мрачной темнице пищею безсловесных питаема, глаголал еси, святителю, сам себе: аще не бы Господь Бог попустил сему быти со мною, не бы постигла мя напасть сия; темже пою Ему: Аллиуия.

Икос 2

Разум Божественный имея, святителю, ты в тайну судеб Божиих о тебе углубился еси и в невинном заточении твоем благость их провидел еси. Темже приими от нас сицевая:

Радуйся, в бедах и теснотах твоих благость Божию видевый;

радуйся, во всех злых своих Бога благословивый.

Радуйся, за притеснителей своих Ему моливыйся;

радуйся, прощение им у Него испросивый.

Радуйся, теплою молитвою к Богу себе успокоивый;

радуйся, ею довольство и утешение в тесноте
твоей себе обретый.

Радуйся, свободы чудным образом
сподобившийся;

радуйся, дивный в сем апостолу Петру
наследниче.

Радуйся, терпеливый учениче Христа
Спасителя;

радуйся, вземший Его благое иго на себе.

Радуйся, понесший Его легкое бремя;

радуйся, монахов украшение.

Радуйся, Гурие, Казанский и Свияжский
чудотворче.

Кондак 3

Сила Вышняго осени тя, святителю, егда с
пострижением власов всего себе всецело Ему
посвятил еси. Темже в чистоте, посте и молитве
непрестанно воспевал еси Богу: Аллилуия.

Икос 3

Имея истинное ведение о кознях мира, плоти
и диавола, ты, святителю, крепко противу тех

вооружился еси бдением, постом и молитвою.
Темже вопием ти:

Радуйся, неусыпный Христов воине;
радуйся, присно блудый душу твою от скверн плоти и мира, и козней диавола.

Радуйся, опасность от них благовременне предвидевый;
радуйся, постом плоть твою изнуривый.

Радуйся, всецело духу твоему плоть поработивый;

радуйся, со страстьми и похотьми плоть распяый.

Радуйся, молитвою дух твой окриливый;
радуйся, на крилех молитвы всегда в горняя паривый.

Радуйся, и на землю благодать Божию молитвами твоими привлекавый;

радуйся, усердный о всех молитвенниче.

Радуйся, земный ангеле и небесный человече;
радуйся, монахов мудрый и кроткий наставниче.

Радуйся, Гурие, Казанский и Свияжский чудотворче.

Кондак 4

Бурю внутрь имел еси помышлений сумнительных, егда во игумена поставлен был еси Иосифовой обители, во смирении помышляя о трудности сего служения и слабости сил твоих. Темже и служение игумена с себе сложил еси, и в покое духа Богу пел еси: Аллилуия.

Икос 4

Слыша державный царь Иоанн о твоих святых подвигах в посте и молитве, повеле тя паки поставить во игумена Селижаровой обители. Ты же, приемый волю цареву за волю Божию, паки взял еси врученный тебе жезл правления и труды ко трудом прилагал еси. Темже приими от нас сицевая:

Радуйся, светильниче, не таймый под спудом;
радуйся, свете, во тьме сияй.

Радуйся, волю Божию в воле царевой усмотревый;
радуйся, всецело себе оной предавый.

Радуйся, исполнителю воли Божией
усердный;

радуйся, чина церковного строгий
блестителю.

Радуйся, благочиния монастырского верный
хранителю;

радуйся, поборниче православныя веры.

Радуйся, усердный хранителю отеческих
преданий;

радуйся, сосуде благодати Божия.

Радуйся, живый свитче закона Божия;

радуйся, апостоле Казанския области.

Радуйся, Гурие, Казанский и Свияжский
чудотворче.

Кондак 5

Боготечному солнцу уподоби тя, святителю,
Господь Бог, в дивном твоем избрании на
святительский престол, егда тебе жребием указа
быти первосвятителем Казанския Церкве. Мы
же поем Богу, удивившему на тебе благодать и
милость Свою: Аллилуия.

Икос 5

Видевше державный царь Иоанн и вси православнии людие чудное Божие избрание тя по жребию в первосвятителя Казанския Церкве, радовахуся. Мы же со благоговением воспеваєм ти сице:

Радуйся, любимиче Божий, указанный жребием;

радуйся, служителю Господень, предопределенный для возделания новыя нивы.

Радуйся, пастырю словеснаго стада Христова, блуждавшаго по вертепам неверия и нечестия;

радуйся, потаенный светильниче, дивно поставленный на высоту Церкве Божия.

Радуйся, проповедниче Евангелия Христова в стране нечестия магометанского;

радуйся, принесый свет Христов в страну тьмы и заблуждений.

Радуйся, крепкая надеждо Церкве Православныя;

радуйся, исполнителю благих желаний царя державнаго.

Радуйся, обрадовавый его твоим ревностным служением;

радуйся, радосте и утешение всех градов, иже сподобиша тя видети и от тебе благословитися.

Радуйся, сосуде благодати, просвещающей верных;

радуйся, первосвятителю Казанский области.

Радуйся, Гурие, Казанский и Свияжский чудотворче.

Кондак 6

Проповедником богоносным избран был еси для Казанский области, святителю; темже святолепно шествовал еси из царствующаго града Москвы в новопросвещенный град Казань, освящая шествием и благословением твоим грады и веси на пути и непрестанно воспевая Богу: Аллилуия.

Икос 6

Возсиявый в богоспасаемом граде Казани свет истины Христос Бог наш, и прогнавый тьму магометанского и языческаго нечестия, избрата, святителю, в первого зде служителя и

исполнителя святой воли Его. Темже освяти тя и прослави, нас же научи волити тебе сице:

Радуйся, света истины распространителю;

радуйся, диавольских тьмы прогнателю.

Радуйся, первый сеятелю на новой ниве Божией;

радуйся, мудрый возрастителю на ней историчных классов.

Радуйся, неутомимый ея напоителю;

радуйся, друже царя земного, исполняющего волю Царя Небесного.

Радуйся, верный служителю Царя Небесного;

радуйся, апостоле Казанской Церкви.

Радуйся, привлекаяй к вере неверующих чистою Христовою любовию;

радуйся, друже Христов, приводяй люди к благоговению пред Богом.

Радуйся, притесняемых вдов и сирот защитниче;

радуйся, всех притекающих к тебе заступниче.

Радуйся, Гурие, Казанский и Свияжский чудотворче.

Кондак 7

Хотяй устроиши тайну спасения Казанских татар и язычников, Христос Бог наш избра тя, святителю, в апостола и просветителя страны сея. Ты же, уразумев тайну спасения, вопиял еси Богу: Аллилуия.

Икос 7

Новое чудо показа Господь и Спас наш, Иисус Христос, избравый тя в первосвятителя Казанского Церкви, егда тя единаго из четырех жребием указа всей Своей Православной Церкви. Мы же, дивящиеся, вопием ти сице:

Радуйся, от вечности предопределенный просветителю Казанского области;

радуйся, сокровенный до времене сосуде благодати Божия.

Радуйся, избранием твоим всю Церковь удививый и обрадовавый;

радуйся, темже избранием в преданности Богу укрепивыйся.

Радуйся, дивное твое избрание служением
твоим оправдавший;

радуйся, с благословения Божия грядый в
Казань во имя Господне.

Радуйся, в пути твоем непрестанно воспеваяй
и благословляй;

радуйся, весь путь твой молитвами
освятивый.

Радуйся, безбедно на паству твою пришедый;

радуйся, благодатный обновителю и
освятителю града Казани.

Радуйся, благолепного храма Пресвятыя
Богородицы создателю;

радуйся, обрадовавый православных
Казанских жителей твоим пришествием.

Радуйся, Гурие, Казанский и Свияжский
чудотворче.

Кондак 8

Странное избрание твое, святителю,
помышляюще и боголепное шествие твое на
новую паству твою знающе, с благоговением
возводим умы и сердца свои к Богу, тако

устроившему дивное твоё прославление, поя Ему: Аллиуия.

Икос 8

Весь ум твой, святителю, вперил еси к Богу и всего себе предал еси святей воле Его, егда вступил еси на престол Казанского пастыря твоего, юже и не престая поучал еси словом и делом. Темже приими от нас похвалы сия:

Радуйся, добрый пастырю, всегда готовый положити душу свою за овцы пажити твоего;

радуйся, мудрый хранителю стада твоего от волков, хотящих губити е.

Радуйся, неутомимый делателю в вертограде Христовом;

радуйся, наставниче пастырей и учителей твоей паствы.

Радуйся, разумный вождю в житии по заповедем Божиим и преданием апостольским;

радуйся, отче, просветителю и попечителю всех новокрещенных.

Радуйся, кроткий и добросердечный убедителю в истине и Божественности христианского веры неверующих;

радуйся, богоумдый вразумителю людей мыслящих.

Радуйся, мудрый руководителю твоих сотрудников;

радуйся, благопопечительный отче всех сиротствующих.

Радуйся, притесняемых заступниче;

радуйся, ходатаю за неверных, познавших истину.

Радуйся, Гурие, Казанский и Свияжский чудотворче.

Кондак 9

Всякое естество ангельское удивися многотрудным твоим пастырским подвигом, показуемым во бдении, посте, молитве, и в неусыпном попечении о стаде твоем. Ты бо, святителю, денно и нощно беседуя с Богом молитвою, словом и делом непрестанно воспевал Ему: Аллилуия.

Икос 9

Витии многовещанныя, яко рыбы безгласныя видим о тебе, святителю, недоумевают бо глаголати, еже како и отшельником

деннонощною молитвою пример подаваеши, и паству твою примерно управляеши. Мы же, дивящеся, благоговейно вопием ти:

Радуйся, пастырю, подаваяй пример монашествующим;

радуйся, собеседниче с Богом, научаяй всех последованию твоему примеру.

Радуйся, тлетворного сна прогонителю;

радуйся, посту и бдению учителю.

Радуйся, ленивых возбудителю;

радуйся, примерный Божий подвижниче.

Радуйся, мудро привлекавый неверных к принятию православия веры;

радуйся, неутомимый проповедниче слова Божия.

Радуйся, слово сие здраво, немягтежно и учительно преподававый;

радуйся, благоразумный вразумителю магометан в истине христианского веры.

Радуйся, дивный указателю всем неверующим на величие и славу Иисуса Христа;

радуйся, мудро привлекаяй к Нему всех и вся.

Радуйся, Гурие, Казанский и Свияжский чудотворче.

Кондак 10

Спасти хотя магометан и язычников, в новой пастве твоей находящихся, ты, яко добный паstryрь, всю мудрость твою к сему употребил еси и непрестанно Бога в помошь призывал еси, воспевая Ему: Аллилуия.

Икос 10

Стена еси верующим и к тебе прибегающим, ибо небесе и земли Творец устрои тя, святителю, веры укрепителя, неверия же обличителя, нас же научи взывать тебе сице:

Радуйся, столпе православно верующих;
радуйся, отверзающий им дверь спасения.

Радуйся, наставниче мудрости о Христе Спасителе;

радуйся, преподателю Божественных
благодати.

Радуйся, обновителю растленного
человечества в неверующих;

радуйся, наставителю мало смыслящих и не
смыслящих.

Радуйся, бесовския козни проразумеваяй;
радуйся, силу Христову проповедуяй.

Радуйся, девство и чистоту храняй и
проповедуяй;

радуйся, друже Жениха, радующийся о
сочетании с Ним чистых и незлобивых душ.

Радуйся, архитриклине брака, соединившаго
безчисленное множество душ с небесным
Женихом;

радуйся, ревнуяй Божиею ревностию о
верности Христу душ христианских.

Радуйся, Гурие, Казанский и Свияжский
чудотворче.

Кондак 11

Пение всякое побеждается, спростретися
тщащееся ко множеству многих твоих
добродетелей, святителю. Никия бо песни могут
быти равночисленны им. Темже, благоговея пред
тобою, поем Богу: Аллилуия.

Икос 11

Светоприемнаго светильника сущим во тьме
неразумия видим в тебе, святителю,
невещественный бо вжигающи огнь, разгоняеши

тьму неверия и на всех обильно проливаеши свет Христов, просвещаяй всякаго человека, грядущаго в мир. Темже по долгу взываем ти сице:

Радуйся, светильниче, возжженный огнем с престола Божия;

радуйся, причастниче славы Господней.

Радуйся, прославляяй Прославльшаго тя;

радуйся, проносяй славу Его по безславной области нечестия.

Радуйся, озаряяй умы и сердца людей, сидящих во тьме и сени смертной;

радуйся, источниче, обильно изливаяй воду благодати Божией.

Радуйся, напаяяй ею умы и сердца жаждущих спасения;

радуйся, указателю небеснаго рая неведущим его.

Радуйся, верный руководителю всех последующих тебе;

радуйся, отверзаяй двери Царствия Божия шествующим по тебе.

Радуйся, представляяй их престолу Божию;

радуйся, сопричисляй их к сонму святых Божиих.

Радуйся, Гурие, Казанский и Свияжский чудотворче.

Кондак 12

Благодать, данную ти от Бога, обильно изливаеши на всех, притекающих с верою к раце святых мощей твоих, святителю. Темже мы, дивящеся множеству чудес, тобою совершаемых, поем Богу, прославляющему тя: Аллилуия.

Икос 12

Поюще хвалебную песнь тебе, святителю, прославленный Богом на небеси и на земли, воспеваем ти сице:

Радуйся, во свете предстояй престолу Вышняго; радуйся, всегда воспеваяй славу Божию.

Радуйся, непрестанно зряй Бога лицем к лицу;

радуйся, приникаяй в тайну Пресвятыя Троицы.

Радуйся, усердный Ея поклонниче;

радуйся, последователю Агнцу Божию,
вземшему грехи мира.

Радуйся, предводителю всех спасенных и
спасаемых тобою;

радуйся, и нас грешных в мире сем не
оставляяй.

Радуйся, не тесно в любви твоей всех
вмещающей;

радуйся, любвеобильный о всех нас
молитвенниче.

Радуйся, паству твою покровителю;

радуйся, граду Казани похвало и украшение.

Радуйся, Гурие, Казанский и Свияжский
чудотворче.

Кондак 13

О всеблаженный и святый святителю отче
Гурие, присный наш наставниче, ходатаю и
покровителю, моли о нас Христа Бога, да
избавит паству твою и вся грады и веси
христианских от враг видимых и невидимых, от
нашествия иноплеменник, от недуга и глада, от
всякия скорби и смертоносныя раны, и
грядущия муки, вопиющих Ему: Аллилуия.

Этот кондак читается трижды, затем 1-й икос и 1-й кондак.

Молитва

Святителю отче Гурие, предстоя священней раце многоцелебных мощей твоих, молим тя усердно быти всегда и везде нашим ходатаем, заступником и покровителем. Исходатайствуй пастве твоей мир, тишину, благоденствие, здравие и спасение. Буди постоянным нашим заступником от всех врагов, видимых и невидимых: покрывай нас от нахождения всех бед, напастей и скорбей, паче же от искушений врага темного. Предстоящим же где и молящимся испроси у Господа Бога вся, яже ко спасению своему они просят у Него в своих нуждах и скорбях, да все мы с тобою прославляем всесвятое имя Отца и Сына и Святаго Духа, ныне и присно, и во веки веков. Аминь.



ПОЛНЫЙ
АКАФИСТНИК
КАНОНИЧЕСКИЙ

АКАФИСТЫ
КО ГОСПОДУ БОГУ
ПРЕСВЯТОЙ
БОГОРОДИЦЕ
АРХАНГЕЛАМ
И АНГЕЛАМ

І

Нове
Небо